

**UGOVOR**  
**za nabavku i isporuku medicinskog materijala**

**UGOVORNE STRANE**

1. **Kantonalna uprava civilne zaštite Kantona Sarajevo**, ul. Fehima ef. Čurčića br. 1., 71000 Sarajevo, koju zastupa v.d. direktor, Jasmin Terović, (u daljnjem tekstu: **Kupac**), ID broj: 4200665390008 i
2. **ZEFARM d.o.o.**, ul. Goraždanska b.b., 72000 Zenica, kojeg zastupa direktor, Edis Šaćirović, (u daljnjem tekstu: **Prodavac**), ID broj: 4218025060008.

U daljnjem tekstu Ugovora, kada se Kupac i Prodavac navode zajednički, tj. zbirno, tada su označeni kao "**Ugovorne strane**".

**OSNOV ZA ZAKLJUČENJE UGOVORA**

Vlada Kantona Sarajevo je dana 18.03.2020. godine donijela Odluku o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20.

Zbog proglašenog stanja prirodne i druge nesreće, ugovorni organ je u skladu sa članom 21. stav (1) tačka d) Zakona o javnim nabavkama ("Službeni glasnik Bosne i Hercegovine", broj: 39/14), proveo pregovarački postupak bez objave obavještenja za nabavku neophodnog zaštitnog medicinskog materijala.

U cilju provođenja mjera na sprečavanju širenja opasnosti od koronavirusa u svrhu nabavke, koja zahtijeva krajnju hitnost, što u konkretnom slučaju znači nabavku roba u svrhu zaštite javnog interesa (spašavanje ljudskih života, zdravlja i slično), postupljeno je u skladu sa Zakonom o zaštiti stanovništva od zaraznih bolesti ("Službeni glasnik BiH" broj: 29/05) i Okvirnog zakona o zaštiti i spašavanju ljudi i materijalnih dobara u BiH od prirodnih i drugih nesreća („Službeni glasnik BiH” broj: 50/08).

**PREDMET UGOVORA**

**Član 1.**

Predmet ovog Ugovora je nabavka i isporuka "Medicinskog materijala" prema ponudi Prodavca broj: 166/2020 od 13.04.2020. godine i Odluci o izboru najpovoljnijeg ponuđača u postupku javne nabavke predmetnih roba – "Medicinskog materijala", broj: 06-11-708-9/20 od 14.04.2020. godine, koje čine sastavni dio ovog Ugovora.

**Član 2.**

Nabavku i isporuku predmeta nabavke Prodavac je dužan isporučiti prema svojoj Ponudi i specifikaciji Kupca.

**CIJENA I NAČIN PLAĆANJA**

**Član 3.**

Ukupna vrijednost ugovorene nabavke definisane u članu 1. ovog Ugovora iznosi: 311.186,07 KM (slovima: tristotinejedanaesthiljadastotinuosamdesetšest KM i 07/100).

U ukupnu cijenu iz stava 1. ovog člana, uračunat je PDV.

Cijena je fiksna i ne podliježe nikakvim promjenama za vrijeme trajanja Ugovora.

Kupac se obavezuje da će ukupni iznos iz stava 1. ovog člana uplatiti na račun Prodavca.

#### **Član 4.**

Plaćanje će se izvršiti u roku od 7 dana od dana zaprimanja računa. Plaćanje se obavlja na žiro račun Prodavca broj: 134-010-0000004679 otvoren kod ASA banke. Kupac ne prihvata avansno plaćanje i traženje sredstava osiguranja plaćanja. Ukupna plaćanja Prodavcu bez PDV-a na temelju sklopljenog ugovora ne smiju prelaziti procijenjenu vrijednost nabavke.

Kupčeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Prodavac je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Kupcu na usklađivanje.

Uslovi plaćanja i drugi uslovi koje Prodavac jednostrano unese u fakturu ne obavezuju Kupca ni onda kada je fakturu primio, a nije joj prigovorio.

### **ROK I MJESTO ISPORUKE**

#### **Član 5.**

Rok isporuke robe iz člana 1. ovog ugovora je 10 (deset) dana.

Mjesto izvršenja obaveza Prodavca je, ul. Fehima ef. Čurčića br.1, 71 000 Sarajevo.

Kupac se obavezuje isplatiti cijenu i preuzeti isporuku ugovorene robe onako kako je predviđeno ovim ugovorom. Kupčeva obaveza preuzimanja isporuke općenito se sastoji u obavljanju svih radnji koje se razumno od njega očekuju da bi omogućio Prodavcu izvršiti isporuku i u preuzimanju robe.

Do isporuke / predaje robe Kupcu (do dana obostranog potpisivanja zapisnika o kvantitativnom prijemu robe bez primjedbi) rizik slučajne propasti ili oštećenja robe snosi Prodavac, a s isporukom / predajom robe rizik prelazi na Kupca. Rizik ne prelazi na Kupca ako je isti zbog nekog nedostatka isporučene / predane robe raskinuo ugovor ili tražio zamjenu robe.

Prodavac je dužan da o svom trošku ugovorenu robu osigura od uobičajenih rizika. Prodavac vrši osiguranje do momenta prelaska rizika u skladu sa ovim, a Kupac od tog momenta.

Roba koja je predmet ovog ugovora i koju će Prodavac isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način. Dobavljač će zapakovati robu tako da može izdržati transport, manipulaciju i eventualno skladištenje u razumnom vremenskom roku. Ambalaža mora imati takva svojstva koja posebno obezbjeđuju zaštitu od vlage.

### **KVALITET ROBE**

#### **Član 6.**

Prodavac se obavezuje da isporučena roba iz člana 1. ovog Ugovora, bude traženog kvaliteta i karakteristika, odnosno prema usvojenim standardima za ovaj predmet nabavke.

Primopredaju robe između Prodavca i Kupca izvršit će ovlašteni predstavnici Prodavca i Kupca.

### **OBAVEZE PRODAVCA I KUPCA**

#### **Član 7.**

Prodavac odgovara za materijalne nedostatke stvari koje je ona imala u času prelaza rizika na Kupca, bez obzira na to da li mu je to bilo poznato. Prodavac odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički/komisijski utvrđuju Kupac i Prodavac. U obavijesti o nedostatku stvari/robe Kupac je dužan jasno opisati nedostatak i pozvati Prodavaca da pregleda robu. Ako obavijest o nedostatku koju je Kupac



blagovremeno poslao Prodavacu elektronski (e-mail), preporučenim pismom, telefaksom ili na neki drugi pouzdan način, zakasni ili uopšte ne stigne Prodavcu smatra se da je Kupac izvršio svoju obavezu da obavijesti Prodavca. Nedostatak postoji ako ugovorena / isporučena roba / stvar nema svojstva i odlike koje su izričito određene ovim ugovorom. Prodavac odgovara i za nedostatke koje je Kupac mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike.

Prodavac odgovara ako na isporučenoj robi postoji neko pravo trećeg koje isključuje, umanjuje ili ograničava pravo Kupca, a o čijem postojanju Kupac nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu robu, Kupac je dužan obavijestiti Prodavca o tome (obaviještenje se vrši na način iz prethodnog stava ovog člana – elektronski (e-mail), preporučeno pismo ili telefaks ili neki drugi pouzdan način), izuzev kad je to Prodavcu već poznato, i pozvati ga da u razumnom roku oslobodi robu od prava ili pretenzije trećeg ili da mu isporuči drugu stvar bez pravnog nedostatka. Ako Prodavac ne postupi po zahtjevu Kupca, ugovor se raskida.

## **VIŠA SILA**

### **Član 8.**

Ako slučaj više sile, potpuno ili djelimično spriječi izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 1 (jednog) dana od nastanka slučaja više sile. Ako se blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dejstva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglasi kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 (trideset) dana, ugovorne strane će se sporazumijeti o daljnoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### **Član 9.**

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu.

## PRIMJENA ZAKONA O OBLIGACIONIM ODNOSIMA

### Član 10.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## RJEŠAVANJE SPOROVA

### Član 11.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Ukoliko se jedna od ugovornih strana ne bude pridržavala odredbi Ugovora, druga strana ima pravo na jednostrani raskid ugovora u roku od 30 (trideset) dana. Raskid ugovora se vrši u pismenoj formi.

## OSTALE ODREDBE

### Član 12.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 13.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

### Član 14.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

### Član 15.

Na sva pitanja koja nisu regulisana ovim Ugovorom, a pojave se prilikom njegove realizacije primjenjivat će se odgovarajuće odredbe Zakona o obligacionim odnosima.

**ZA PRODAVCA**  
**ZEFARM d.o.o.**

Edis Sačirović

trgovačko društvo za promet  
medicinskim materijalom  
**zefarm**, d.o.o.  
Zenica, Goraždanska bb 2

**ZA KUPCA**

**VD DIREKTOR**

M.P.

Broj: 53-Ug/20  
Sarajevo, 17.04.20.

Broj: 06-11-708-11/20  
Sarajevo, 15.04.2020. godine